



9. juli 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. 2024-mi, 2025-mi aamma 2026-mi (akissuteqaatip tunniunneqarnerata tungaanut naatsorsorlugu) Namminersorlutik Oqartussat qitiusumik allaffeqarfiani sulisut ukiumut agguaqatigiissillugu qanoq amerlatigisunik taarserarsimappat (personaleomsætning)?
2. Ukiuni kingullerni taakkunani inuiaqatigiinnut qanoq akeqarsimava? Angalanernut, pisattanik nutsernerinut kiisalu pisattat nassiunnerinut assigisaanullu aningaasartuutit qanoq annertutigisimaneri eqqarsaatigalugit.
3. 2024-mi, 2025-mi aamma 2026-mi Namminersorlutik Oqartussat qitiusumik allaffeqarfiani sulisut katillugit qassit atorfeqarsimappat?
4. 2024-mi, 2025-mi aamma 2026-mi Namminersorlutik Oqartussat qitiusumik allaffeqarfiani sulisut akornanni qassit kalaallisut oqaasillit atorfeqarsimappat? Peqatigitillugu Naalakkersuisut nassuiaateqarfigeqquneqarput sulisup kalaallisut oqaasillitut naatsorsorneqarnissaanut suut tunngavigineqartarnersut.
5. Paasissutissat pigineqarpata Naalakkersuisut paasissutissiissutigisinnaavaat sulisut akornanni qanoq annertutigisumik agguataarsimaneqarsimanersoq: Kalaallisut oqaasillit, marlunnik oqaasillit, kiisalu kalaallisut oqaaseqanngitsut, ukiuni pineqartuni?
6. Namminersorlutik Oqartussat qitiusumik allaffeqarfiani sulisunik attassiinnarniarlugit Naalakkersuisut suut aalajangersimasumik suliniutigisimavaat imaluunniit suliniutigilersaarpaat?
7. Sulisut taarserarnerat annikillisarneqarnissaat aammalu kalaallisut oqaasilinnik amerlanerusunik atorfinitsitsinissaq pillugu Naalakkersuisut anguniakkanik imaluunniit kisitsisitigut anguniagassanik aalajangersaasimappat? Taamaassimappat, suut anguniagaappat, aammalu qanoq malinnaaffigineqartarpat?
8. Naalakkersuisut naliliippat sulisut amerlasuut ingerlaavartumik taarserneqartarnerat qitiusumik allaffeqarfimmi ingerlatsinerup ingerlaavartumik ingerlanneqarnissaanut, sulianik suliarinninnerup sivilissusaanut imaluunniit sulianik pitsaassutsimut sunniuteqartartoq? Taamaassimappat, qanoq?
9. 2024-mi, 2025-mi aamma 2026-mi Namminersorlutik Oqartussat qitiusumik allaffeqarfiani sulisut akornanni qassit:
 - a) Kalaallit Nunaanni inunngorsimallutillu peroriartorsimappat,
 - b) Danmarkimiit imaluunniit nunanit allanit atorfinitsitaasimappat, kiisalu
 - c) killilimmik sivilissusilimmik isumaqatigiissuteqarlutik atorfinitsinneqarsimappat?Naalakkersuisut paasissutissanik taamaattunik nalunaarsuisanngippata tamanna nalunaarutigineqassaaq.



10. 2024-miit 2026-mut piffissami atorfiit suut (stillingskategorier) sulisut amerlanersaannik taarserneqarsimappat?
11. Naalakkersuisut sulisut suliffimminnit soraartarnerinut pissutaasunik misissueqqissaarnernik (analyser) suliaqarsimanerpat? Taamaassimappat, inerniliinerit pingaarnerit nassuiarneqassapput.
12. Naalakkersuisut Namminersorlutik Oqartussat qitiusumik allaffeqarfiani kalaallisut oqaasilinnik amerlanerusunik atorfinitsitsinissaq aammalu attassiinnarneqarnissaat pillugu ataatsimut periusissiamik peqarpat? Taamaassimappat, periusissiaq kiisalu anguniagai nassuiarneqassapput.
13. Sulisunik attassiinnarniarnissamut aammalu nutaanik atorfinitsitsinissamut suliniutit maannamut atorneqartut sunik aalajangersimasunik angusaqarfiusimappat, aammalu suliniutit taakku sunniutaat qanoq uuttorneqartarpat?
14. Naalakkersuisut naatsorsuutigaat sulisut taarserneqartarnerat ukiuni aggersuni allanngoriartussasoq? Taamaassimappat, sulisut aalajangersimasumik attatiinnarneqarnissaat anguniarlugu suut suliniutigineqarnissaat pilersaarutigineqarpat?
15. Qanga kingullermik sulisut naammagisimaarinninnerannut misissuisoqarnikuuva (MTU)? Misissuinerup inernerit saqqummiunneqarnissaat aammalu nassuiaatigineqarnissaat kissaatigaara.
16. Naalakkersuisut allamik paasissutissaateqarpat ukununga qulequttanut tunngasinnaasunik?

(Inatsisartunut ilaasortaq Erik Jensen, Siumut)

Tunngavilersuut:

Pisortat ingerlatsinerat ingerlalluartoq pilersinneqassappat pingaaruteqarpoq piginnaasaqarluartunik sulisussarsiornissamut aammalu sulisunik attassiinnarnissamut periarfissaqartitsinissaq. Peqatigisaanik pingaaruteqarpoq Inatsisartunut inuiaqatigiinnullu paasissutissiissutigissallugu sulisut taarserneqartarnerisa ineriartornerat, sulisunut tunngasut katitigaanerat kiisalu Namminersorlutik Oqartussat allaffeqarfianni aalajaatsumik ingerlatsinissaq aammalu kalaallisut oqaasilinnik piginnaasalinnik ineriartortitsinissaq qulakkeerniarlugu Naalakkersuisut suliniutaat pillugit naammattumik paasissutissanik tunngaveqarnissaq.

Apeqqutigineqartut ullut suliffiusut qulit iluanni akeqquneqarput.